

秋山紀行詩

長沙栗揆題

秋山紀行集卷第一

江寧 嚴長明 德甫

七月初八日

駕幸熱河例得扈從先一日行次德勝門口占
正作止中想翻爲塞外行超遙逮城關結束況幽并地迥
客懷壯秋高馬足輕韋囊雙筆在好爲記初程

清河道中作

金山冠其前土城帶其後中間亘長倚車馬左以右薊門
蹟久荒團營制匪舊空餘玉泉流千載清以瀏沚沚會白
沙瀉瀉濯垢我行方塵埃對此心忸怩揮鞭赴前郵數
里敢迴首

宿南石槽

是日七夕

五十吉行還十五計程車馬正宜休詎知此夕爲何夕頓
覺今秋非我秋涼透六街風漸緊白沈千帳月初收此時
亦有蓬傭侶 禁漏聲中靜擁裯

是夕素人直宿禁中

初九日隨

駕發南石槽午後至懷柔縣

詔隨清蹕歷煙郊沙草遙看 輦路交細霧薄龍旂暗藹

朔風隨馬尾蕭梢河潮過雨聲猶壯谷黍經秋實漸苞爲

有復租成法在道旁無計阻謹饒

直隸經過地方錢糧例行蠲免十分之三

憇懷柔道中祇園寺

馳馬東來三十里暫逢村寺一相羊匆匆莫遣吟情擾靜

境多時得未嘗

奉筆前驅敢自由
亂山迴合望檀州
心知此去伽藍少
更爲娑羅樹小留

早發遙亭行次南天門口占

憶昔山掌披金源
極邊知有南天門
音官譯爲紐幹哩義

取迴碧無嵯垠

自南天門至古北口金史謂爲流幹嶺義無所取今譯改

我時蓄眼戾

於此一咲何殊案
與几眈眈上列寺
三楹

上有觀音庵

蕩蕩旁

容車七軌迺知萬
境須目成虛無指
點徒相驚盛名之
下實難副豈獨處
士多虛聲

出古北口作

吾聞邊城二千三
百里列成形如角
相掎就中古北口
尤

奇耐可容騎不容軌此關幾閱諸侯王後有俺荅先同光
中間天贊暨天輔始焉窺伺終搶攘我

朝萬幕通諸夏牧圉年年

幸車駕武關久罷太初征

沿邊諸口皆有賦稅惟古北口獨無康熙十六年定制也

伏

石空聞北平射乃知天險不可升地險惟山及上陵王公
設以守其國要在德爲依憑不然前朝重鎮稱密雲一
十八砦屯官軍吹笳擊柝望烽燧嗟嗟守禦誠辛勤

楊令公祠

并序

古北口北門外有宋楊業祠明洪武初大將軍徐達
建成化中修賜額曰威靈考業以雍熙三年爲雲州
觀察使時遼將斜軫陷寰州相遇於雁門北陳家谷

口力戰不支被擒不食死是業之死乃翔州陳家谷
口非密雲古北口也武寧當日建祠之故豈以此地
爲時重鎮其用兵也自後梁乾化三年晉將劉光濬
克敵後建元至正二十七年禿堅帖木兒稱兵中間
僉囊竊寇幾五百載卒無有致命遂志之臣如業比
者因爲立祠以褒臣節而儆官守誠未可知獨是陳
家谷口爲業授命之所魂魄實式憑之而秩祀轉令
闕如且史稱業子延玉與淄州刺史王貴隨業師中
併命從死均宜入廟配食者而當年亦未議及甚矣
其鹵莽也今秋以 扈從過此瞻拜祠下晚宿兩
間房直次適與周方伯雪堂遇因作長句貽之並東

朱方伯石君山右

飛狐一蹶勢莫撈四州戎守皆從橫休哥棄勝復深入傳
聞已絕金山陁老謀料敵氣方銳制勝應潛抗其背反唇
何故謂遷延坐使長城黯然壞喪元不復將奚辭以死勤
事則祀之魂兮歸來固有所入荒捕逐徒爾爲越惟前明
重邊備作者知應蓄深意此地由來百戰場棘門灞上皆
兒戲紛紛螳聚兼蜂屯行間誰復如斯人千秋藉以壯敵
愾異境遂爾垂精禋我今跋馬詣茲所肅拜桓楹向榛莽
英姿省識舊飛騰毅魄遙憐近悽苦三尺空留代北封一
抔枉說燕南土孤墓雙高孰有靈叢祠一敗誰爲主

山西朔州

直隸唐縣並有業墓

在師中復餘同仇子延玉與王并州狼牙村深

朔雲暗營魂來往空悠悠吁嗟乎大厦高門徧都邑續祀
淫祠恣狼籍成仁勵義凜如公轉使精靈獨蕭索自來盛
德神所憑激公此舉非無名會看闕憾一朝弭長與關塞
相崢嶸

次兩間房過阮吾山前輩行帳

村不三家地一成宵來何處認行旌月明惟見山河影風
定猶聞草木聲耿耿隱憂乘此夕茫茫終恐負平生此間
合付懽騰醉試覓林中阮步兵

兩間房夜雨

愁已深如海中宵雨更寒乍猶聲可數旋覺溼難勝空響
來千嶂寒光聚一燈衣裳沾濡汝豫切盡長物歎何曾

早發青石梁復值大雨

天階近北道畢宿實爲主東征不遑他但慮陰以雨矧負
三月糧更涉萬仞岵上穿雲始生下踏石萬古委身付驚
駘并氣事組舞百計恐不牢一墜那能取折身愁遽入轉
計各徒步艱難到陵巔十步仆或五仰首于青霄周遭黑
如廡轉盼成陰雲過我儼環堵意在潤九州終風扼其阻
撼空出全力萬仗擊嚴鼓散爲千步車射此百鈞弩我馬
痕如瘡我僕偃以僂前途遽方遁餘勇豈易賈卽境憶平
生冥漠庶予輔

午過黃土嶺天色少霽

飛梁下千仞登頓力已窮攬轡一長望又起呀然峰前峰

尙駁駮茲峯更蒙龍大塊亦立異觸處羞雷同盤盤魚鳥
徑籍籍駝馬蹤前趾已不極後頂仍交攻一罅自開拓少
憇例不容零雨矧未沫首路猶滃濛煙霏壓輜重雲水歎
心胸人馬并一氣沸喘殷長空彌天不得洩如簋殮有饒
移時涉險絕失喜來清風颼颼赴深澗約作蜺與虹和門
照旌旆讀列寒煙叢側有牙帳矗頓宿知所從揮鞭告童
僕我途匪終窮

晚宿喀喇河屯

雨腳收不盡半山明夕陽遙遙認飛旆草草置行裝入眼
牛羊雜先秋草木荒孤城二千載舊蹟與誰詳

喀喇河屯
蒙古語黑

城也亦爲舊城案北魏
於此建安州治方城

灤河來獨石漠漠向南東似說開平事遙趨避暑宮

水經注濡

水出峽入安州界今灤河卽古濡水源出獨石口東北百三十里鑲黃旗牧廠界內之古道嶺數百里入喀喇河屯界元陞開平府爲上都灤水經其城南故又名上都河

眞形開北極陳迹付西風攬

轡誰爲錄千秋憶范公

過廣仁嶺

烏灤河北亂峯攢休作當年墨斗看

王曾行程錄過烏灤河至墨斗嶺卽此康

熙五十七年發帑開鑿始易今名

石骨雙開成翠障雲頭一折見朱闌爲

貪下界鐘踰曳

嶺東麓有萬壽寺

忘涉前蹊路曲盤近習馳驅

差有味詰朝翻恐卽安便

十四日抵灤河與陳絙橋農部同寓鑲藍旗營之西

偶作二首

午犯驕陽曉犯霜計程四百里何長茲行到處有歧路卻望此間成故鄉落落實行勝兼坐具匆匆乞火與分漿相看抖擻征衣了何異轅駒暫脫韉

居然雞犬識新豐一宿渾如久住同共話客棕牀上下各安行卷屋西東山依北舍無窮翠樹占斜陽一半紅入直但求來日早又騎瘦馬御晨風

記寓齋草木

并序

逆旅主人刁氏愛植花木居內外數十種皆塞外異本余方承輯熱河圖志因仿李文正四禽圖詩體賦得四首用備掌錄至吉祥草雖南中所有而北地頗希因并及焉

山莊南際風日和秋花每較春花多遠來蹴屋本爲此閉

門靚對如修娥海紅

果名

霏霏吾舊識時過猶矜好顏色懸

鉤一咲子何爲接葉盤條巧相覓

有木名普盤結實甘酸似楊梅土人謂之懸鉤

子就中草荔殊可憐細團風露成勻圓垂珠雖同愛者少

攢攢自墮籬根煙

草荔芰與海紅普盤種相類而甘芳過之叢生籬下居人不知貴也

跂腳曉窗聞啄木報到故人書一束

是日得素人書相思集累誰

似之恰有垂垂北天竺天竺宛如紅豆紅倒挂青壁搖西

風高冥飄墮條盈手木難火齊將毋同舉似土人多未識

但云生性逾常格絕豔羞隨萬卉榮上林一植無顏色

有木

倒生壁上結朱顆累累與南中天竺子相似

曰北天竺近聞移植御園雖成實而不茂子亦青色御命名

呼僮編枳籬作牆有石如丈窺其旁何來蒼官在爾側相

與離立爭昂藏或云茲松質匪石復與他松異標格曾向
興安見數株秋來萬葉成蕭索我聞志士貴弗阿寒不改
葉溫不華若教本性隨地易松兮何異蓬與葭

牆外有松一株枝幹

與杉相似土人云每至秋霜後葉盡凋落興安嶺及塞外高寒之地多有之

清涼寶地生寶花金蓮久向圖經誇此間誰與爲羅致拈

來佛手無爭差

代州五州山有花金色似蓮而小七瓣五層一莖數朶聖祖時移植山莊今

熱河居民多種之以爲近翫

吉祥草花亦妍始紫袈裟坐中臺衲青雀

何曾五百來潛蠶行蟻徒紛雜裳華此外仍滿墀審狀知
非蕢菜施惜哉嵇含不到此未錫名字昌吾詩

山莊直次二首

天作高山倚塞垣經營遙溯六旬前

山莊經始於康熙四十二年堯

階未解青茨色文圃欣增白鶴年卽事曰維思

續紹邦居豈爲卽安便上頭仰視

奎文在勤政書猶

朵殿懸

山莊視事之所爲勤政殿

女牆深擁上清居函道東偏起直廬

軍機房在政殿門外東廂

勤覲向

碧窗聞玉漏時于青案見瓊書天邊御宿高難盡檻外青山望有餘試仿華林編故事流傳他日比虞初

二十八日與絙橋飲適有大風雨至醉中不知也醒

後賦長句以志

醉酒灑所出薄若醪與醕其味清以澀頗與鄙性宜東頭陳遵本大戶興來聊與斟酌之甕邊那復計主客百壺市盡仍干甌烏巾醉脫跣腳臥北窗美睡眞不貲醒來日腳

下平地相與縱步臨階墀忽驚籬落盡欹倒綠葵紫萸漂
參差堂前縱臥十圍樹屋上倒卷三重茨急呼散輩起問
訊爲言君醉無多時青天宕宕倏異色飛廉蜚翳交奔馳
豈爲雙津一朝落直愁萬瓦相隨飛天容此時縱開霽大
家至竟猶然疑因知世事多幻變全其天者迺弗知醉中
恍惚本無物已覺萬象靡成虧何況守中抱一者不聞不
見同希夷

旬日以足疾乞假鄰舍生有以頽放見責者戲書三
十韻示之

高涉青石梁下涉白河水健迺類黃犢快或鬪蒼兕超遙
赴山莊計得一餉美庶幾蹇無尤曷爲良其趾彼哉